



CCCCXI

Augustissimo, Illustrissimo, et

Serenissimo MONARCHÆ,

CAROLO SECUNDO

DEI GRATIA MAGNÆ BRITANNIÆ, FRANCIÆ &amp; HIBERNIÆ REGI, FIDEI DEFENSORI, &amp;c.

COLLEGII REGII UNIVERSITATIS ABERDONENSIS PATRONO MAGNIFICENTISSIMO.

S. P. D. C.

**D**UM omnium ordinum subditi tui (MONARCHA INVICTISSIME) de radun & adventu hoc felicissimo, variis sua gaudia modis testari certant emuli, adeo omnem implere paginam, ut nihil nobis hujus TUÆ REGIÆ ACADEMIÆ alumni reliquum fecerint. Cogimur itaque, (apage cogimur,) imo jucundissimam necessitatem letis amplectimur, grato et spontaneo animo, cum Philosophi Socratis discipulo illo egere, quod nobis tantum superest, nosmetipsos, et omnia quæ nostra sunt, quod sumus, quod possumus MAJESTATI offerimus VESTRÆ, quantum hujus scedula exiguitas patitur, ingenuè testamur et profiteamur nos in TE, per TE, a TE, et de TE, unico et solo tanquam capite tenere et pendere: TIBI tanquam SUCCESSORI et HÆREDI indubitato predecessorum tuorum SCOTIÆ REGUM, omnia quæ nobis grata et chara sunt, nostra mœnia, nostra munia, beneficia, officia debemus, cuncta TIBI et illis accepta referimus. MAGNIFICENTISSIME PATRONE et REGIÆ PARENS, hæc nostra juvenilia sereno et placido vultu, accipere digneris, quæ etsi nihil præter candorem, humilitatem et simplicitatem sapiant, sitamen deessent et nos taceremus pueri, proculdubio tigna et lapides hujus tui Athenæi erumperent. Verum si SACRÆ VESTRÆ MAJESTATI visum fuerit, aut per otium licuerit paululum intueri aliorum quorundam, ex hoc etiam COLLEGIO TUO, affectus sinceros, in concionibus sacris, et publicis theatris expressos, speramus quod nostra tenuitati deest, abunde compensatum iri; licet et illa sint Cirrhæa procul et Parmesside Lymphæ, pone sub Arctoi sydere nata poli; nec TE digna satis, nec satis apta TIBI Augustis hisce inclusi, nunc penitus inviti cogimur aspectu S. D. N. nos subtrahere, et ad pugnam Philosophicam, sub tuis sacris auspiciis, nos accingere. Omnipotens Deus, Rex regum, et Dominus dominantium, qui regis ætherei radiantia sydera Cæli, S. V. MAJESTATEM incolumem, ter et amplius felicem, necnon et magno majorem Carolo præstet, thronum vestrum iustitiæ et æquitate stabilat, et diu ac feliciter nobis nostrisque posteris præesse velit, et natorum natos per omnia labentia secula, lucida volentur nido dum sydera Cælo, et post Sceptra terrestria immarcescibilem V. MAJESTATI coronam largiatur. Hæc supplices orant.

S. V. MAJESTATIS

humillimi servi, et omnibus mancipiis vinculis devotissimi clientes ac oratores.

D. Robertus Gordonus. Gulielmus Dalgardinus.  
Alexander Urquhartus. Gulielmus Davidsonus.  
Andreas Dalgardinus. Gulielmus Joassus.  
Georgius Ruddachus. Gulielmus Mackinnanus.

Gulielmus Robertsonus.  
Gulielmus Torrans.  
Jacobus Abellus.  
Jacobus Stuartus

Joannes Forbesius. Robertus Martinus.  
Joannes Mackinnus. Robertus Robertsonus.  
Joannes Wakers. Robertus Strachannus.  
Patricius Turnebullus. Robertus Tattersini.